

- [1<sup>a</sup>] Got her', in seinem beginn  
So trachtent die meinen sinn  
Wie das ich verbringen mûg  
Ain lob das da tûg  
5 Von ainem fürsten wol erkannt:  
Hainrich so was der genannt.  
Der fürst was zû Swäben gesessen,  
Gen got vil recht vermessen:  
Er dienet got frû und spät  
10 On falsch in rechter tät.  
Not unnd kimernuß der armen  
Ließ er sich dick erbarmen.  
Er tett niemant kain unrecht.  
Sein land stünd fridlich und schlecht.  
15 Er was deß gûtz vil rich.  
Er hett dry sún herlich.  
Die lert er in der jugent.  
Sy waren geflissen aller tugent:  
Zû schûl waren sy gewesen,  
20 Sy kunden schriben und lesen,  
Darzû turnieren unnd stechen  
Und die sper ritterlich zerbrechen,  
Hôtzen, baissen unnd auch schiessen;  
Kainer gûthait tett sy verdriessen.  
25 Nu lept der edel fürst zwâr  
Hundert und ouch sechs jâr:  
Do engieng im sein kraft  
Unnd seines libes macht:  
Sein sterben er wol erkannt.  
30 Nach seinen súnen er sant.  
Do sy deß wurden gewar,
- [1<sup>b</sup>] Vil bald kamen sy dar.  
Er sprach 'vil lieben sún mein,  
Gefôlgig sôllent ir mir sein:  
35 Habent lieb vor allen dingen got,  
Das ist mein ler unnd mein gebot.  
Ir sôlt úch erbarmen  
Allezit über die armen,  
Allen wittwen unnd ouch waisen:  
40 Nimmer sôllent ir unrechtlich naisen.  
Sprechent alleweg recht urtail.  
Ewér zungen tragent nit vail,  
Das ir dem unrechten nit standent  
bey,  
Wie lieb úch der fründ sey.  
45 Wer das recht zû unrecht machet,  
Vor got ist er verswachtet.  
Bôß levt und das unrecht hassent.  
Aller untugent sôllent ir úch massen.  
Mer ich eúch râten sol:  
50 Mit ainannder sôllent ir leben wol.  
Damit sind got ergeben:  
Ich wil ennden mein leben.'  
Sy sprachen 'vater unnd her'e,  
Geren wôllen wir volgen ewér lere.'  
55 Darnach gar behennde  
Nam ir vater sein ennde,  
Unnd ward begraben nach fürst-  
lichen eren.  
Von dem grab begunden sy keren,  
Unnd waren fromme unnd gerecht.  
60 Ir lannd stünd fridlich und schlecht.

1. seinem bezog, S auf die meinen sinn, dem er in Gedanken ein mein sinn unterschob; deinem I<sup>a</sup> WMH.

14. schlecht] l aus r korrigiert, sch über der Zeile nachgetragen.

36. gebot] e aus o, b aus t (?) korrigiert.

39. all I<sup>a</sup> H.